

六  
典  
通  
考

六典通考卷十九

湖西閩鎮珩輯

設官考

歷代任官之法

宋初入仕有遠州銓有流外補有補蔭有保任川峽閩廣阻遠險惡中州人多不願往初銓格稍限以法凡州縣幕職每一任近卽一任遠川峽廣南及沿邊不許挈家者爲遠餘悉爲近分川峽四路廣南東西二路福建一路增荆湖南一路立八路定差之制許中州及土著在選者隨意就差名曰指射神宗更詔川峽福建廣南之官罷任迎送勞苦令轉運司立格就注免其赴選於是八路自常選知州而下轉運司置

員闕籍具書應代時日下所部郡眾示之凡見任距受代半

年及已終更者許用本資序指射有司受而閱之定其應格

當差者上之審官東院流內銓審覆如今卽奏聞降敕若占

籍本路或游注此州皆從便惟不許官本貫州縣曾鞏曰均

中州之人用于荒邊側境山區海境之間蠻夷異域之處或

燕荆越蜀海外萬里之人用于中州以至四遐之鄉相易而

往其山行水涉沙莽之馳往往則風霜冰雪瘴霧之毒之所

侵加蛟龍虺蜴虎豹之羣之所抵觸衝波急洑隕崖落石之

所覆壓其進也莫不籠糧舉藥選舟易馬刀兵曹伍而後動

戒朝奔夜變更寒暑而後至至則宮廬器械被服飲食之具

士風氣候之宜與夫人民謠俗語言習尚之務其變難遵而

其情難得也則多愁居惕處歎息而思歸及其久也所習已

安所蔽已解則歲月有期可引而去矣故不得專一精思修

治具以宣布天子及下之仁而爲後世可守之法也或九州

之人各用于其土不在西封在東境士不必勤舟車與馬不

必力而已傳其邑都坐其堂奧道途所次升降之倦凌冒之

虞無有接于其形動于其慮至則耳目口鼻百體之所養如

不出乎其家父兄六親故舊之人朝夕相見如不出乎其里

川之形土田市井風謠習俗辭說之變利害得失善惡之  
貫非其童子之所聞則其少長之所遊覽非其自得則其  
爲之先生老者之所告也所居已安所有事之宜皆已習熟  
如此故得專慮致勤職事以宣上恩而修百姓之急其施爲  
先後不待旁諮久察而與奪損益之幾已斷于胸中矣豈累夫  
孤客遠寓之憂而以苟且決事哉

建炎初詔

福建二廣闕並歸吏部惟四川仍舊制凡流外補選五省御  
史臺九寺三監金吾司四方館職掌每歲遣近臣與判銓曹  
就尙書同試律三道中者補正名理勞考三館祕閣楷書皆  
本司試書札中書覆試補受後以就試多懷挾傳授乃鎖院  
巡搜餽名凡試百司吏人問律及疏既考合格復令口誦所  
對其自敘勞績臣僚爲之陳請特免口誦謂之優試得優試  
者率中選後遂考試百司人歲以二十人爲額毋得徼幸求  
優試爲職掌者皆限年授外州司戶勒畱有至諸衛長吏兩

省主事者學士審官審刑院登聞鼓院糾察刑獄司皆選取諸司吏人或以年限或理本司選然中書制敕及五院員闕多卽遣官特試書劄驗視材質制敕院須堂後官以下親屬五院須父祖有官者樞密院亦如之惟本院試驗宣徽院三司各省閤門三班院皆本司召補至其首者出職凡出職者樞密院三司皆補借職以上餘或補州縣內廷諸司主吏三司大將亦有補三班借職者中書主事以下三司句覆官以上各帶諸州上佐樞密院主事以上皆帶同正將軍餘多帶遠地司戶簿尉保任之職大中祥符五年始定制自翰林學士以下常參官歲各舉外任京朝官三班使臣幕職州縣官一人著其治行所宜任令閤門御史臺歲終會其數如無

舉狀卽具奏致罰冬季差出須舉官後乃入辭諸司使副承制崇班曾任西北邊川廣鈐轄親民者做此諸路轉運使副提點刑獄官知州通判奏舉部內官屬則不限人數或在任勞績無可舉及顯有踰濫者亦須指述不得願避以次年二月二十五日以前到京違期則都進奏院以名聞論如不申考帳法三司使副舉在京掌事京朝官使臣凡被舉者中書歲置二籍疏其名銜下列歷任功過舉主姓名及薦舉數一畱中書一進內明年籍內仍計向來功過及舉主數使臣卽樞密院置籍兩省尙書省御史臺官凡出使回須採訪所至及經歷鄰近郡官治跡善惡以聞轉運使即提點刑獄官知州通判赴闕各具前任部內官治迹能否如鄰近及所經州

縣訪聞善惡亦許同奏先於關門投進方得入見凡朝廷須人才及欲理州縣弊政劇務卽籍內視舉任及課績數多而資歷相當者差委於宣敕內盡列舉主姓名或任內幹集特與遷秩否則雖不去官亦移閑僻遠地內外羣臣所舉及三人有成績中書樞密院具姓名取旨甄獎如併舉三人俱不

集事坐罪不至去官亦奏裁當行責降或得失相參亦與折

當

元祐中司馬光爲相奏曰孔門以四科論士漢室以數路

可得人若指瑕掩善則朝無可用之人苟隨器授任則世無可棄之士臣職當選官識短見狹孤寒遺逸豈能周知若專引知識則嫌於私若止循資序未必皆才莫若使有位達官各舉所知欲乞朝廷設十科舉士一曰行義純固可爲師表科二曰節操方正可備獻納科三曰智勇過人可備將帥科四曰公正聰明可備監司科五曰經術精通可備講讀科六曰學問該博可備顧問科七曰文章典麗可備著述科八曰善聽獄訟盡公得實科九曰善治財賦公私俱便科十曰練習法令能斷請讞科應職事官自尚書至給舍諫議寄祿官

自開府侯同三司至大中大夫職自觀文殿大學士至待制每歲於十科內舉三人具狀保任中書籍記之有事須材卽執政奏請視其所嘗被舉科格隨事試之有勞又著之籍內外官闕取嘗試有效者隨科授職所賜誥命仍備所舉官姓名其人任官無狀坐以繆舉之罪補蔭之職太祖初定臺省六品諸司五品

登朝嘗歷兩任然後得請始減歲補千牛齋郎員額齋郎須年貌合格誦書精熟乃得奏太宗踐極諸州進奏者授以試銜及三班職太平興國二年詔授試銜等人特定七選集歲爲定令凡誕聖節三年大祀皆聽奏一人而淳化改元恩文班中書舍人武班大將軍以上並許蔭補如遇轉品許更蔭一子由是奏薦之恩始廣仁宗慶厯中裁損奏補入仕之路凡選人遇郊赴銓試其不赴試亦無舉者永不與選罷聖節奏蔭恩學士以下遇郊恩得奏大功以上親再遇郊得奏小



功以下親郎中帶職員外郎初遇郊蔭子若孫再郊及期親  
四遇郊聽蔭大功以下親初得奏而年過六十無子孫蔭期  
親其皇親大將軍以上妻再遇郊亦許之武臣倣此凡蔭長  
子孫皆不限年諸子孫須年過十五若弟姪須過二十必五  
服親乃許已嘗蔭而物故者無子孫祿仕聽再蔭自是任子  
之恩殺矣蘇洵曰今之用人最無謂者其所謂任子乎因父兄之資得大官而又任其子弟將復任其孫孫又任其子是不學而得者常無窮也夫得之也易則失之不甚惜以不學之人而居不甚惜之官其視民如草芥也固宜朝廷自今年始有意裁節然知損之而未得其損所謂制其未而不窮其原見其粗而不識其精僥倖之風少衰而猶在也夫聖人之舉事必有以大服天下之心今欲有所去也必使天下知其所以去之之說故盡去而無疑夫任子者猶曰信其父兄而用其子弟云爾彼其父兄固學而得之學者任人不學者任於人此易曉也今之制幸而官至于可任者舉使任之不問其始之何從而得之也且被任于人不能任人此猶借資之人而欲從之句資不已難乎臣愚以爲

父兄之所任而得官者雖至正郎宜皆不聽任子弟唯能自  
修飾而越錄躡次以至於清顯者乃聽如此則冗官必大衰  
少而公卿之後皆奮志爲學不待父兄之資其任而得官者  
知後不得復任其子弟亦當勉強不肯終老自棄于庸人此  
其爲益豈特一二而已哉

遼北樞密院掌武銓視兵部南樞密院掌文銓視吏部

開泰元年

見吏部尚書劉績

世宗天祿五年詔州縣錄事參軍主簿委政事省

銓注

政事省後改中書省見復逆篇

金制文武選皆吏部統之

天德四年始以河南北選人並赴中京吏部各置局銓注又命吏部

尚書蕭頤定河南北官通注格以諸司橫班大解并大將軍合注差人依年例一就銓注餘求仕人分四季擬授遂爲定制  
自從九品至從七品職事官部擬正七品以上呈省以聽

制授凡進士則授文散官謂之文資官自餘皆武散官謂之

右職又謂之右選文資則進士爲優

大定格進士上甲初錄事防判二下令三司令

中甲初中簿二上簿三下令下甲初下簿二中簿三下令試

中策者上甲初錄事防判二中令三上令中甲初上簿二下

令三中令下甲初中簿 右職則軍功為優皆循資有陞降定

二錄事防判三中令 式軍功有六一日川野見陣最出當先殺退敵軍二日攻打

遠拔擢得喉舌五日險難之間遠處報事情成功六日謀事

得濟越眾立功皇統八年格凡帶官一命昭信校尉以上者

初除主簿及諸司副使二主簿及諸司使三下令四中令五

上令或道注鎮軍都指揮使及正將其官不至昭信及無官

者自初至三任通注丞簿四下 凡銓注必取求仕官解由撮

令五中令六上令及知城寨 所陳行績資歷之要為銓頭以定其能否其有犯公私罪贓

污者謂之犯選格則雖遇恩而不得與舊制犯追一官以至

追四官皆解任周年而復仕之承安二年定制每追一官則

殿一年凡罷職會赦當敘者及降殿當除者皆具罪以聞而

後仕之凡增課陞至六品者任回復降既廉陞而再任覆察

不同者任回亦降凡官資以三十月爲考職事官每任以三十月爲滿羣牧使及管課官以三周歲爲滿防禦使以四十月三品以上官則以五十月轉運則以六十月爲滿司天太醫內侍官皆至四品止凡外任循資官謂之常調選爲朝官謂之隨朝隨朝則每考陞職事一等若以廉察而陞者爲廉陞投東北沿邊州郡而陞者爲邊陞凡院務監當差使則皆同從九品凡品官任部事典事主事知事及尙書省令史覆實架閣司管勾直省直院局長副檢法知法院務監當差使及諸令史譯史掌書書史書吏譯書譯人通事并諸局分承應有出身者皆爲流外職

李完傳言尙書省令史正隆間用雜流大定初以太師張浩奏請始

統取進士天下以爲當今乞以三品官子

孫及終場舉人委臺官辟用上納其言

凡省選之制內外

官以三十月爲考隨朝官以三十月爲任陞職一等自非制授尚書選在外官命左司移文勾取承安三年始命置簿勾取大定十五年制凡二品官及宰執樞密使不理任每及三十月則書于貼黃不及則附于闕滿簿內外三品官以五十月爲任泰和三年制凡文資右職官應選三品職事者五品以上歷五十月六品以下及門蔭雜流職事至四品以上而散官應至三品者皆歷六十月方許告遷七年自接察使副依舊三十月理考外內外四品以四十月理考通八十月遷三品廉察之制正隆二年六月有廉能官復與差除之令大定三年命廉到廉能官第一等進官一階陞一等其次約量注授污濫官第一等殿三年降二等次二年又次一年皆降

一等詔廉問猛安謀克廉能者第一等遷兩官其次遷一官

污濫者第一等決杖百罷去擇其兄弟之第二等杖八十第

三等杖七十皆令復職蒲輦決則罷去永不補差舉薦之制

興定元年令隨朝七品外路六品以上職事官舉正七品以

下職事官年未六十不犯賊堪任使者一人三年定辟舉縣

令制稱職則元舉官減一資歷中平約量陞除不稱罰俸一

月犯免官免所居官及官當私罪解任杖罪贓污者約量降

除污贓至徒以上及除名者一任不理資考三品以上舉縣

令稱職者約量升除不稱奪俸一月若被舉者犯免官等罪

奪俸兩月贓污至徒以上及除名者奪俸三月獄成而會赦

原者原之

舊制保舉縣令秩滿之後以六事論升降三事以下減一資歷四事減兩資歷六事皆備則升職一

等省令史選取之門有四曰文資曰女直進士曰右職曰宰

執子其出仕之制各異文資者舊惟聽左司官舉用

以令史官至宰

執者彭刺道魏子平孟浩梁肅張萬公粘割幹特勃董師中王蔚馬惠迪馬謀楊伯通賈鈺孫鐸孫卽康賈益謙皆有爵

凡選監察御史尚書省具才能者疏名進呈以聽制授任滿

御史臺奏其能否仍視其所察公事具書於解由以送尚書

省如所察事皆無謬戾爲稱職則有陞擢庸常者臨期取旨

不稱者降除任未滿者不許改除

貞祐二年定制以所察大事至五小事至十爲稱職

數不及且無切務者爲庸常數內有二事不實者爲不稱職凡門廕之制天眷中八品用

廕不限所廕之人貞元中七品用廕方限以數文始於將仕

武始於進義以上至七品儒林忠顯各七階許廕一名至六

品承直昭信計九階許廕二人自大定十四年文武官從下

各增二階其七品視舊爲九階亦廢一名至五品凡十七階

方廢二人其五品至三品並無間越唯六品不用廢秦和二年定制

文武官一品廢子孫至曾孫及兄弟姪孫六人因門廢則五

人二品則子孫至曾孫及兄弟姪五人因門廢則四人三品

子孫兄弟姪四人因門廢則二人四品五品三人因門廢則

二人六品二人七品子孫兄弟一人因門廢則六品七品子

孫兄弟一人舊格門廢惟七品一人餘皆加一人明昌格自

五品而上皆增一人凡進緒官舊格正班三品廢四人雜班

三人正班武略子孫兄弟一人雜班明威一人懷遠以上二

人鎮國以上三人司天太醫遷至四品詔換文武官者廢一

人凡武舉泰和三年格上甲第一名選忠勇校尉第二第三

名選忠翊校尉中等遷修武校尉收充親軍不拘有無廢視

舊格減一百月出職下等遷敦武校尉亦收充親軍減五十

月出職凡勞效謂年老干戶謀克也大定五年制河南陝西統軍司千

戶四十年以上擬從七品三十年千戶四十年以上之謀克



從八品二十年以上千戶三十年以上謀克從九品二十年

以上謀克與正班與差使十年以上與銀絹皆以所歷千戶

謀克蒲葦月日通算

十七年定制其猛安日都將謀克日中

昭信注九品職事以隊

正陞中尉中尉陞都將功酬虧永之制凡諸提點院務官三

十月遷一官周歲爲滿止取無虧月日用之大定二十九年

定制比永課增一酬遷一官兩酬遷兩官虧課削亦如之各

兩官止

明昌五年制馬牛羊虧元數十之一驟馬百死四十

數一分馬百死四十微虧不得者杖八十降同前

元制選舉守令以戶口增田野闢詞訟簡盜賊息賦役均五

事備者爲上選升一等四事備者減一資三事有成者爲中

選依例選轉四事不備添一資五事不舉黜降一等至元二

十八年詔路府州縣長官宜選用漢人素有聲望及勳臣故  
家并儒吏出身資品相應者佐貳官遴選色目漢人參用庶  
期政平訟理前五事備矣凡進用武官軍官有功而升職者  
以其子襲職陣亡者許承襲若罷去以有功者代至大二年議各衛翼  
首領官至經歷以上不得升除似與官軍一體其子孫乃不  
得承襲今後年除七十散官至正從四品者宜正從五品軍  
官內任用四年詔軍官有故令嫡長子繼嫡長子亡令嫡長  
孫爲之嫡長孫亡則令嫡長孫之嫡長子爲之若嫡長俱無  
則以其兄弟之凡入粟補官天歷三年河南陝西等處民饑  
子相應者爲之

省臣議江南陝西河南等處富實之家願納粟補官者驗糧  
數等第從納粟人運至被災處卽出給勘合朱鈔實授茶鹽  
流官凡獲盜賞官大德五年詔獲強盜五人與一官捕盜官  
及應捕人本境失盜而獲他境盜者聽功過相補獲盜過五

人捕盜官減一資至十五人升一等應捕人與一官不在論賞之列諸用廕者孫降子曾孫降孫婢生子及傍廕者皆於

合敘品從降一等凡遷調閩廣川蜀雲南官員每三歲遣使

與行省銓注以監察御史蒞之

至元十九年省議江淮州郡遠近險易不同量分爲三等

若腹裏常調官遷入接連兩廣福建溪洞州郡者於本等資歷上例升二等餘州郡例升一等福建兩廣官五品以上照勘員關移咨都省銓注六品以下就便委用開具咨省凡文武散官多采用金制初散

官例降職事二等至元二十年始升官職對品九品無散官

謂之平頭敕蒙古色目初授散官或降職事再授職雖不降

必俟官資合轉然後升職漢人初授官不及職再授降職授

官惟封贈廕敘官職各從一高歷官二品官必從職不復用

理算法凡遷官之法從七以下屬吏部

仁宗時由進士入官者僅百之一由使臣

位雖要者常十之九秦定帝欲以中書參議傳巖起爲吏部  
尚書御史韓鑰上言吏部掌天下銓衡巖起從吏入官烏足  
盡知天下賢才況尙書秩三品巖起累  
官四品耳於法亦不得升制可其奏  
正七以上屬中書三

品以上非有司與奪由中書取進止六品至九品爲敕授則  
中書牒署之一品至五品爲宣授則以制命之三品以下用  
金寶二品以上玉寶特旨則有告詞其理算論月日遷轉散  
官內任三十月爲滿外任三歲爲滿錢穀典守二歲爲滿而  
理考通以三十月爲則內任官一考升一等十五月進一階  
京官一考視外任減一資外任官或一考進一階或兩考升  
一等或三考升二等四品則內外考通理凡選用不拘常格  
省參議都司郎中員外高第者拜參預政事六曹尙書侍郎  
及臺幕監察御史爲憲司官外補官已制授入朝或用敕除

朝蹟秩視六品外任或爲長伯在朝諸院由判官至使寺監

由丞至卿館閣由屬官至學士有遞升之法凡吏部月選

元至

十九年議到部解由卽行照勘合得七品者呈省從七

以下本部注擬餘流外人員不拘多寡一月一次銓注

吏遷敘

舊以二十月遷轉太速六十月遷轉太遲至元二十八年定隨朝以三十月爲滿

凡覃官內

官四品以下普覃散官一等服色班次封廕皆憑散官三品

者遞進一階至正三品上階止應入流品者有出身吏員譯

史等考滿加散官一等凡注官守闕已除官員無問月日遠

近許準守闕未奏注者許注六月滿闕六月以上不得預注

凡歲貢吏員各道按察司上路總管府凡三年一貢儒吏各

一人下路二年貢一人以次籍記遇各部令史有關補用若

隨路司吏及歲貢儒人先補按察書吏然後貢之於部按察

書吏依先例選取考試唯以經史吏業不失章指者爲中選

元貞元年詔諸路有儒通吏事吏通經術性行修謹者各路

薦舉廉訪司試選每道歲貢二人省臺委官立法考試必中

程式方許錄用

錢大昕曰元時由吏出身者可致宰執臺諫故士人皆樂爲吏而吏亦知自重自明中葉

以後士大夫之於胥吏以奴隸使之盜賊待之吏員遂無可用者矣凡職官充省令譯史文資

居職參注一考滿合得從七品注從六品未合得從七品注

正七品如勒畱一考同隨朝升一等一考滿未得從七注正

七品者回降從七還入正七一考滿合得從七注從六品合

得正七注正六品者免回降正從六品人員不合收補省令

史譯史如已補人員同隨朝一考升一等注授凡補用吏員

有出身人員遇省掾有關於正從七品文資職官并臺院六

六  
七

部令史內從上名轉補翰林兩院同六部令史有關於隨路  
儒學教授通吏事人內選補樞密院御史臺令史省掾有關  
從上轉補考滿除授於正從八品文資官及六部令史內轉  
補至正六年命左右二司六部吏屬於午後講習經史其時朝綱已弛人心將變雖有此令而實無其益省斷

事官令史與六部令史一體三考出身於部令史內發補少  
府監令史擬於六部并諸衙門考滿典吏內補用凡考課六  
部侍郎正四品通理八十月升三品左右司郎中員外郎都  
事考滿升二等六部郎中員外郎主事三十月考滿升一等  
兩考通升二等凡官員考數從九品擬歷三任升從八正九  
品歷兩任升從八正八品歷三任升從七從七歷三任呈省  
正七歷兩任升從六從六品通歷三任升從五正六歷兩任

六從五從五轉至正五緣四品闕少通歷兩任須歷上州尹  
一任方入四品內外正從四品通理八十月升三品歲終考  
課管民官五事備具內外諸司官職任內各有成效者爲中  
考第一考對官品加妻封號第二考令子弟承廕敘仕第三  
考封贈祖父母父母品格不及封贈者量遷官品其有政績  
殊異者六次升擢

明任官之法進士爲一途舉貢爲一途吏員爲一途

明會典  
洪武二

十六年定凡舉人出身第一甲第一名從六品第二甲第二名第三  
名正七品賜進士及第第二甲從七品賜進士出身第三甲  
正八品賜同進士出身而一品衙門提控正七品出身二品  
衙門都吏從七品出身一品二品衙門掾史典史二品衙門  
令史正八品出身初授者曰聽選陞任者曰陞遷每年吏部六考六  
選凡引選六類選六遠方選二聽選及考定陞降者雙月大



選其序定於單月改授改降丁憂候補者單月急選其揀選  
三歲舉行舉人乞恩歲貢就教無定期凡陞選必滿考若員  
缺應補不待滿者曰推陞內閣大學士吏部尚書由廷推或  
奉特旨侍郎以下及祭酒吏部會同三品以上廷推太常卿  
以下部推通參以下吏部於弘政門會選詹事由內閣各衙  
門由各掌印在外官惟督撫廷推九卿共之吏部主之布按  
員缺三品以上官會舉監司則序遷其防邊兵備等率由選  
擇保舉付以敕書邊府及佐貳亦付敕在外府州縣正佐在  
內大小九卿屬員皆常選官選授遷除一切由吏部憲宗時李裕爲  
吏部尚書每大選先二日於後堂設一木榻上書皇天鑒之  
與二侍郎傍坐文選司官前立以缺員與選人一一第資格  
可否注牘至期引奏填榜更無舛錯而庶官得人一日太監  
覃昌詔裕曰先時選官奏入上必命司禮監看詳然後報可

近日上曰李尚書梗直人必不敢干之奏入卽與此行其初用拈闈法至萬厯間變爲

掣籤二十九年文選員外郎倪斯蕙條上銓政十八事其一

曰議掣籤尙書李戴擬行報可孫丕揚踵而行之後雖有議

其失者終明世不更也先是大選外官競爲請託丕揚創爲掣籤法分籤爲四隔東北則北京山

東爲主而以河南之汝彰歸南京之廬鳳淮揚附之東南則南京浙江福建江西廣東爲主而以廣西之梧州平樂桂林

附之西北則陝西山西爲主而以河南之懷慶開封河南南陽湖廣之鄖陽附之西南則以湖廣四川雲南貴州爲主而

以廣西之柳州南甯慶遠潯州太平附之至於起復調簡地僻缺孤或人浮於缺又借附近之地以通籤法之窮吏部之

有掣籤自初太祖嘗御奉天門選官且諭毋拘資格選人有不揚始也

卽授侍郎者而監司最多進士監生及薦舉者參錯互用給

事御史亦初授陞遷各半永宣以後漸循資格而臺省尙多

初授至弘正後資格始均舉貢雖與進士並稱正途而軒輊

不啻霄壤隆慶中大學士高拱言國初舉人躋八座爲名臣者甚眾後乃進士偏重而舉人甚輕至於今極矣請自授官以後爲考政績不問出身然勢已積重不能復返崇禎間言者數申三途並用之說間推一二舉人如陳新甲孫元化者

置之要地卒以傾覆

趙翼曰有明一代最重進士凡京朝官清要之職舉人皆不得與卽同一外選

也繁要之缺必待甲科而乙科僅得遙遠簡小之缺其升調之法亦各不同甲科爲縣令者撫按之卓薦部院之行取必首及焉不數年卽御史部曹等職而乙科沈淪外僚但就常調而已積習相沿牢不可破嘉靖中給事陸粲雖疏請變通隆慶中閣臣高拱亦請科貢與進士並重然終莫能挽甚至萬曆三年特詔撫按官有司賢否一體薦劾不得偏重甲科而積重難返如故也明史邱樞云今薦則先進士而舉監非有憑藉者不敢接席而坐比肩而立賈三近疏言撫按諸馬同一官也不敢接席而坐比肩而立賈三近疏言撫按諸馬遇州縣長吏率重甲科而輕鄉舉同一寬也在進士則爲

爲字在舉人則爲姑息同一嚴也在進士則爲精明在舉人則爲苛戾是以爲舉人者非頭童齒豁不就選可以見當時

風尚  
矣

給事中御史謂之科道科五十員道百二十員明初至

天順成化間進士舉貢監生皆得選補其遷擢者推官知縣  
或學官其後監生及新科進士皆不得與或庶吉士改投或  
取內外科目出身三年考滿者考選內則兩京五部主事申  
行評博國子監博士助教等外則推官知縣自推知入者謂  
之行取其有特薦則俸雖未滿亦得與焉考選視科道缺若  
千多寡無客額其授職吏部都察院協同注擬給事皆實補  
御史必試職一年始實授惟庶吉士否萬厯二十五年臺省  
新舊人數不足當額設之半四十六年掌河南道御史王象  
恆言十三道御史在班行者止八人六科給事中止五人而  
冊封典試諸差及內外巡方報滿告病求代者踵至當亟議

變通之法大學士方從哲亦言考選諸臣守候六載艱苦備

嘗吏部議咨禮部都察院按次題差蓋權宜之術不若特允

部推令諸臣受命供職足存政體卒皆不報至光宗初前後

考選之疏俱下而臺省一旦森列矣考選之例優者投給事

部曹用雖臨時考試而先期有訪單出於保舉之制自洪武

十七年命天下朝覲官舉廉能屬吏始永樂元年命京官文

職七品以上外官至縣令各舉所知一人量才擢用永樂七年車駕

在北京命兵部尚書署吏部事方賓簡南京御史之才者召

來賓奏御史張循理等二十八人可用上問其出身賓言循

理等二十四人蘇進士監生洪秉等四人由吏上曰用人雖

不專一塗然御史國之司直必有學識達治體廉正不阿乃

可任之若刀筆吏知利不知義知刻薄不知大體用之任風

紀使人輕視朝廷遂黜秉等爲序班論自今御史勿復用吏

流器自後以貪污聞者舉主連坐洪熙元年特申保舉之令

此分矣

京官五品以上及給事御史外官布按兩司正佐及府州縣

正官各舉所知惟見任府州縣正佐官及曾犯贓罪者不許

薦舉其他官及屈在下僚或軍民中有廉潔公正才堪撫字

者悉以名聞宣德五年八月丙戌上罷朝御文華殿學士楊博對曰嚴薦舉精考課何患不得上曰近代有罪舉主之法

博對曰嚴薦舉精考課何患不得上曰近代有罪舉主之法夫以一言之薦而欲保其終身不亦難乎朕以爲教養有道

人材自出漢董仲舒言素不養士而欲求賢猶不琢玉而求文采此知本之論也徒循三載考績之文而不行三物教民

之典雖堯舜亦不能以成允釐之治矣正統元年敕在京三品以上官各舉廉

潔公正明達事體堪任御史者一人在京四品官及國子監

翰林院堂上官各部郎中員外郎六科掌科給事中各道掌

道御史各舉廉慎明敏寬厚愛民堪任知縣者一人吏部更

加詳察而擢用之七年罷薦舉縣令之制十一年御史黃裳

言給事御史國初奏遷方面郡守近年方面郡守率由廷臣  
保陞給事御史以糾參爲職豈能無忤於一人乞敕吏部仍  
按例奏請除授帝是其言命部議行明年給事中余忤復指  
正莊等事敗謂宜坐舉主且言方面郡守有缺吏部當奏請  
上裁尙書王直英國公張輔等言方面郡守保舉陞用稱職  
者多未可擅更易英宗仍從輔直言而採忤疏許言官指劾  
十三年御史涂謙復陳舉薦得方面郡守輒改前操之弊請  
仍遵洪武舊制於內外九年考滿官內揀擇陞授或親擇朝  
臣才望者任之詔可大臣舉官之例遂罷天順二年詔罷舉  
保經明行修及賢  
良方正以言者謂其奔  
說充盜無裨實用也景泰中復行保舉給事中林總陳推  
舉驟遷之弊言今缺參政等官三十餘員請暫令三品以上

官保舉自後惟布按兩司三品以上官連名共舉其餘悉付吏部詔並從之成化五年科道官復請保舉方面吏部因并及郡守帝從言官請而令知府員缺仍聽吏部推舉踰年以會舉多未當并方面官第令吏部推兩員以聞罷保舉之令既而都御史李賓請令在京五品以上管事官及給事御史各舉所知以任州縣從之孝宗銳意求治命吏兵二部每季開兩京府部堂上及文武方面官履歷具揭帖奏覽第兼保舉法行之不專恃以爲治也正德以後具帖之制漸廢嘉靖八年給事中夏言復請循弘治故事且及舉劾賢否略節每季孟月部臣送科以達御前命著爲令而保舉方面郡守之法終明世不復行矣考滿考察二者相輔而行考滿論一身



所歷之俸其目有三曰稱職曰平常曰不稱職爲上中下三等考察通天下內外官計之其目有八曰貪曰酷曰浮躁曰不及曰老曰病曰罷曰不謹考滿之法三年給由曰初考六年曰再考九年曰通考依職掌事例考覈陞降諸部寺所屬初止署職必考滿始實授外官率遞考以待覈雜考或一二年或三年九年郡縣之繁簡或不相當則互換其官謂之調繁調簡洪武十一年命吏部課朝覲官殿最稱職而無過者爲上賜坐而宴有過而稱職者爲中宴而不坐有過而不稱職者爲下不預宴序立於門宴者出然後退十四年其法稍定在京六部五品以下聽本衙門正官察其行能驗其勤怠其四品以上及一切近侍官與御史爲耳目風紀之司及夫

醫院欽天監王府官不在常選者任滿黜陟取自上裁直隸  
有司首領官及屬官從本司正官考覈任滿從監察御史覆  
考各布政使司首領官俱從按察司考覈其茶馬鹽馬鹽運  
鹽課提舉司軍職首領官俱從布政司考覈仍送按察司覆  
考其布政司四品以上按察司鹽運司五品以上任滿黜陟  
取自上裁內外人流并雜職官九年任滿給由赴吏部考覈  
依例黜陟果有殊勳異能超邁等倫者取自上裁又以事之  
繁簡與歷官之殿最相參互覈爲等第之陞降其繁簡之例  
在外府以田糧十五萬石以上州以七萬石以上縣以三萬  
石以上或親臨王府都布政按察三司并有軍馬守禦路當  
驛道邊方衝要供給處俱爲事繁府糧不及十五萬石州不

及七萬石懸不及三萬石及僻靜處俱爲事簡在京諸司俱從繁例十六年京官考覈之制稍有裁酌俱由其長開具送部覈考十八年吏部言天下布按府州縣朝覲官凡四千一百一十七人稱職者十之一平常者十之七不稱職者十之一而貪污鬻茸者亦共得十之一帝令稱覈者陞平常者復職不稱職者降貪污者付法司罪之

六者免爲民考察之

法京官六年以己亥之歲四品以上自陳以取上裁五品以下分別致仕降調閒住爲民者有差具冊奏請謂之京察自弘治時定外官三年一朝覲以辰戌丑未歲察典隨之謂之外察州縣以月計上之府府上下其考以歲計上之布政司至三歲撫按通核其屬事狀造冊具報歷以八法而處分察

區與京官同明初行之相沿不廢謂之大計計處者不

復敘用定爲永制洪武四年命工部尙書朱守仁廉察山東

萊州諸郡官吏六年令御史臺御史及各道按察司察舉有

司官有無過犯奏報黜陟筆塵曰元時風憲之制在內諸司

司有不法者行臺御史劾之即今在內道長在外按臺之法

也惟所謂行臺御史者竟屬行臺歲以八月出巡四月還治

乃長官差遣非節朝命其體輕矣本朝御史總屬內臺奉景

命出按一歲而更與漢遺刺史法同唐宋以來皆不及也

泰二年吏部都察院考察當黜退者七百三十餘人帝慮其

未當仍集諸大臣更考存畱者三之一成化五年南京吏部

右侍郎章綸都察院右僉都御史高明考察庶官帝以各衙

門掌印官不同僉名疑有未當令侍郎葉盛都給事中毛弘

從公體勘亦有所更定弘治六年考察當罷者共一千四百

員又雜職一千一百三十五員帝諭方面知府必指寔跡毋  
虛文泛言以致枉人府州以下任未三年者亦通核具奏尙  
書王恕等具陳以請而以府州縣官貪鄙殃民者雖年淺不  
可不黜帝終謂人才難得降諭諄諄多所原宥當黜而留者  
九十餘員王恕拜吏部尙書言官謂恕且老而賢不當勞以繁劇宜用之內閣備顧問上報曰朕用蹇義王直故事官恕吏部謀議無所不聽從何必內閣也恕在吏部訪海內之士隨器薦用以彌成弘治之治十四年南  
京吏部尙書林瀚言在外司府以下官俱三年一次考察兩  
京及在外武職官亦五年一考選惟兩京五品以下官十年  
始一考察法大闕略旨下吏部覆請如瀚言而京官六年一  
察之例定矣京察之歲大臣自陳去留既定而居官有遺行  
者給事御史糾劾謂之拾遺拾遺所攻擊無獲免者弘正嘉

隆間士大夫廉恥自重以掛察典爲終身之玷至萬厯時閣臣有所徇庇間畱一二以撓察典而羣臣水火之爭互相報復至國亡乃已吏員出身有承差知印書算篆書譯字通事諸雜流中外雜職入流未入流由吏員承差等選宣德三年敕諭吏部往時選用嚴慎吏員授官者少比年吏典考滿歲

以千計不分賢否一概錄用廉能幾何貪鄙塞路其可不精

擇乎蘇州況鍾松江黃子威二郡守並有賢名而徐臨萬禩皆累官至尚書明初馮堅由典史擢僉都御史諸葛伯

衡由肇州吏目擢陝西參議皆吏員也兵部掌武選凡武官六品其勳十有二

正一品左右柱國從一品柱國正二品上護軍從二品護軍

正三品上輕車都尉從三品輕車都尉正四品上騎都尉從

四品騎都尉正五品驍騎尉從五品飛散階三十正一品初

騎尉正六品雲騎尉從六品武騎尉祿大夫陞授特進光祿大夫從一品初授榮祿大夫陞授光祿大夫正二品初授驃騎將軍陞授金吾將軍加授龍虎將

軍從二品初授鎮國將軍陞授定國將軍加授奉國將軍正  
三品初授昭勇將軍陞授昭毅將軍加授昭武將軍從三品  
初授懷遠將軍陞授定遠將軍加授安遠將軍正四品初授  
明威將軍陞授宣威將軍加授廣威將軍從四品初授武  
將軍陞授武將軍加授武將軍正五品初授武德將軍  
陞授武節將軍從五品初授武略將軍陞授武毅將軍正六  
品初授昭信校尉陞授承信校尉從六品初授昭信校尉  
六品初授忠顯校尉陞授忠武校尉歲凡六選有世官有流  
官世官九等指揮使指揮同知指揮僉事衛鎮撫皆有襲職  
正千戶副千戶百戶試百戶所鎮撫

有替職其幼也有優給其不得世也有減革有通革流官入

等左右都督都督同知都督僉事都指揮使以世官陞授或

由武舉用之皆不得世卽有世者出特恩非眞授者曰署職

署職遇加本職一級作半級試職作一級支曰納職

不支俸非軍功毋得實授半俸不給誥曰納職

不莅事 戰功二等奇功爲上頭功次之首功四等迤北爲  
大遼東次之西番苗蠻又次之內地反寇又次之凡比試有

舊官

洪武三十一年以前爲舊

有新官

成祖以後爲新

軍政五年一考選先期撫

按官上功過狀覆核而去留之五府錦衣衛堂上各總兵官

皆自陳取上裁推舉上二人都指揮以下上一人

武之軍政  
猶文之考

察也成化二年令見任掌印帶俸差操及初襲官一體考核  
十三年令兩京通考以爲常在內五府所屬并直省衛所官  
悉由巡視官及部官註送在外都司衛所官由撫按造冊繳  
部副參以下干戶以上由都布按三司察註送撫按各部考舉  
題奏錦衣衛管戎務者倍加嚴南北鎮撫次之各衛所及  
地方守禦并各都司隸巡撫者例同惟管漕運者不與考

大選曰色目曰狀貌曰才行曰封贈曰襲廕其途有四曰世

職曰武舉曰行伍曰納級初武職率以勳舊太祖慮其不率

以武士訓戒錄大誥武臣錄頒之後乃參用將材三歲武舉

六歲會舉每歲薦舉皆隸部除授久之法紀墮壞選用紛雜

正德間冒功陞授者三千有奇嘉靖中詹事霍韜言成化中



增太祖時軍職四倍今又增幾倍矣錦衣初額官二百五員  
今至千七百員殆增八倍洪武初軍功襲職子弟年二十者  
比試初試不中襲職署事食半俸二年再試中者食全俸仍  
不中者充軍其法至嚴故職不冗而俸易給自永樂後新官  
免試舊官卽比試賄賂無不中此軍職所以日濫也永樂平  
交趾賞而不陞邇者不但獲馘者陞而奏帶及緝妖言捕盜  
者亦無不陞此軍職所以益冗也宜命大臣循清黃例內外  
武職一切差次功勞考其祖宗相承叔姪兄弟繼及或洪永  
年間功或宣德以後功或內監弟姪恩廕或勳戚駙馬子孫  
或武舉取中各分數等默寓汰省之法或許世襲或許終身  
或許繼或不許繼各具冊籍昭示明白以爲激勸於是給事

中夏言等查覈冒濫指陳其弊言鎮守官奏帶舊只五名今三四百名一人而奏帶數處一時而數處獲功復巧立名色絕驗不加審覈銓選又無駁勘其改正重陞併功加授之類弊端百出宜盡革以昭神斷部核如議恩倖冗濫者裁汰以數千計宿蠹爲清萬厯十五年復詔嚴加察核且嘗命提鎮科道會同兵部品年資課技藝序薦剡分爲三等名曰公選云明初定例嫡子襲替長幼次及之絕者嫡子庶子孫次及之又絕者以弟繼永樂後取官舍旗軍餘丁曾歷戰功者令原帶俸及管事襲替悉因之其降級子孫仍替見降職事弘治時令旁支減級承襲正德中令旁支入總旗嘉靖間旁支無功者不得保送凡陞職官舍如父職其陣亡保襲者流官

一等凡襲替官舍以騎射試之大抵世職難覈故例特詳焉  
官之大者必會推五軍都督府掌印缺於見任公侯伯取一  
人僉書缺於帶俸公侯伯及在京都指揮在外正副總兵官  
推二人錦衣衛堂上官及前衛掌印缺視五府例推二人都  
指揮留守以下上一人正德十六年令五府及錦衣衛必由  
都指揮屢著勳猷者陞授諸衛官不世獨錦衣以世

日知錄萬厯末常熟顧大韶作竹籤傳其文倣毛穎傳爲  
之謂籤對主上言上而庶吉士科道之選下而鄉會試取  
士壹皆用臣臣乃得展其材此憤世滑稽之言然以之曉  
人可謂罕譬而喻矣夫楚王之厭紐盆子之探符古之人  
用以立帝立王而今日厯厯施之選人乎掣籤之法未行

選司猶得意爲注闕雖多有爲人擇地亦尙能爲地擇人自新法旣行並以聽之不可知之數而繁劇之區有累任不得賢令相繼褫斤者夫君子之道在乎至公存一避嫌之心遂至以人牧爲嘗試昔唐皎爲吏部侍郎當引入銓或云其家在蜀乃注與吳復有言親老先任江南卽唱之隴右史書以爲譏笑以此用人豈能致太平之理哉實錄言洪武四年正月壬辰河南府知府徐麟以母老居蘄之廣濟請終養詔改麟爲蘄州府知府俾就養其母聖主之興坦懷待物其所以勸羣臣者至矣錢大昕曰今州縣旣分選調爲二等而督撫又請揀發人員到省試用于是部選之缺扣畱者十之八九銓選之權盡移於督撫而墨吏

日甚一日此不信銓部而信督撫之弊也督撫之權愈重而州縣之包苴愈不可禁每一缺出鑽營得之者輒不惜盈千累萬之賄安望其中有良吏哉顧氏但知掣籤之不得人而不知外有鬻缺之病國殃民其弊更深且毒也然則孫丕揚掣籤之法未可厚非督撫既有舉劾之權不宜更假以銓選之法內輕而外重恐非杜漸防微之計也

論曰自銓選專屬於吏部而限人以一定之法後魏及唐謂之格宋謂之例二者最便于庸人而易以束縛豪傑使有才者沈抑而不得遽進則公而不明之害大矣方其法之始行非不足以破僥幸之端而息紛紜之論久而僥幸愈多紛紜愈甚吏胥因緣邀求厚賂以竄易

其簿籍而爲之吏部者終日執筆塊坐畫諾惟謹其果  
中格與否與者不得知也受者亦不得知也上下于吏  
胥之手而顛倒乎是非之論謂之自亂其例可耳何得  
人之足云哉有明之初太祖頗病資格拘人乃詔三途  
並用故有進士舉貢又有保薦吏員相承百餘年得人  
爲多自後中外委任交重進士而舉貢乃不得與并朋  
黨之爭勢如水火士旣日絀國亦以亡夫言語之不可  
以取人孔子猶失之于宰我況于進士之文浮巧詭薄  
其言不根于中其實不適于用徒以合有司之尺度選  
取而加諸兆姓之上其天資篤厚者或知謹身而寡過  
其縱恣不仁者必至罔法以殃民是故進士之貪暴昏

庸往往什倍于他途而當事之人又爲愆惠而假借之  
是以釀成天下無窮之患善夫顧甯人之論曰今之取  
士禮部以糊名取之是舉其所不知也吏部以掣籤注  
之是用其所不知也夫糊名之與掣籤不可謂非公矣  
然其如不明何上之司衡者拙于知人下之任職者巧  
于避事久而百度頽弛民窮盜起然後破除尋常尺寸  
之法以求適時定亂之才而事已不可復爲明之末造  
是也古者一命之秩必由學升自漢晁錯始創爲入粟  
買爵之令其後桑宏羊踵而行之二人者習申商刻薄  
之術爲苟且聚斂之計固君子所羞道矣然方其時挾  
貨以求易者不過邊塞武功之爵與入羊爲郎而止有

虛名而無實位其受爵之人猶不致加害于民也及後漢靈帝築第西園以納四方之賕在位三公貽誚銅臭由是豺虎塞塗盜賊羣起不旋踵而國亡矣宋紹興初有司以軍用不足請募民入貲補官帝難之後雖聽參政樞密之說然所授不過六等其奏補出身不得注令錄及親民之官區區之宋危而不亡未始不係乎此嗟乎躋商賈于衣冠之列而欲責士大夫以知廉恥不可得矣士大夫既棄廉恥而欲生民之不窮天下之不亂且亡亦不可得矣故晁錯桑宏羊實千古作俑之罪人而如宋之高宗猶爲稍知政體者也



六典通考卷二十一

湖西閣藏珍輯

爵命考

周爵命

秦二十等

古者天子無爵其內臣則公卿大夫士其外臣則公侯伯子男各隨其大小而授之命有命則有爵自黃帝建三公以親黎元堯始命羲和爲六卿並掌方岳謂之四岳虞夏以來或六或九甘誓曰乃召六卿昏羲曰天子立三公九卿二十七大夫八十一元士鄭氏以爲夏制是也五瑞五玉始記於舜典先儒引周官文釋之謂公執桓圭侯執信圭伯執躬圭子執穀璧男執蒲璧其爵

凡五等也夏因於虞不改至殷人易之以三有公侯伯而無子男周監二代三聖制法立爵五等始復唐虞之舊武成之書曰列爵惟五分土惟三何休說公羊傳曰質家爵三等法天之三光也文家爵五等法地之五行也天道本下親親而質省地道敬上尊尊而文繁其言必有所受之矣尙書不見三公之文而伊尹爲阿衡仲虺爲左相益猶虞之百揆周之太宰也他書載湯問於伊尹曰三公九卿大夫列士相去何如伊尹對曰三公者知通於大道應變而不窮辯於萬物通於天道其言足以調陰陽正四時節風雨如是者舉以爲三公故三公之事常在於道也九卿者不失四時通於溝渠修堤

防樹五穀通於地理能通不能通能利不能利如此者  
舉以爲九卿故九卿之事常在於德也大夫者出入與  
民同眾取去與民同利通於人事行有舉繩不傷於言  
言之於世不害於身通於閭梁實於府庫如是者舉以  
爲大夫故大夫之事常在於仁也列士者知義而不失  
其心事功而不獨專其賞直言強諫而無有姦詐去私  
立功而言有法度如是者舉以爲列士故列士之事常  
在於義也道德仁義定而後天下正故三公參王事九  
卿參三公大夫參九卿列士參大夫參而有參是謂事  
宗事宗不失內外若一曲禮稱天子建官先六太其次  
曰五官五官之長曰伯益殷制然也周有六官又有三

孤是爲九卿其三公或兼六卿之任周公爲師而兼冢  
宰召公爲保而兼宗伯蘇公畢公毛公皆三公而兼司  
寇司馬司空顧命所記太保領冢宰芮伯爲司徒彤伯  
爲司空衛侯爲司寇是三公各兼一卿之徵也周禮王  
畿六卿二鄉公一人自公而下有卿大夫上士中士下  
士凡六等自天子外達於四海公侯伯各一位子男同  
一位凡五等及周既衰共和專政於內五霸樓伐於外  
至於戰國僭竊日滋上下無別周遂以亡秦漢以下雖  
有三公九卿之名其制乖異封國之爵或二或九又有  
所謂名號侯者義益與古戾矣今依典命之文分次衣  
服車旗宮室之等其典命所無而有係於名分者曰圭

璋曰贄曰笏曰符印綴述經傳采輯史籍通爲爵命篇

云

大宗伯以九儀之命正邦國之位

每命異儀貴

一命受職始

命爲正吏謂列國之士於子男爲大

再命受服

此受元冕之

夫王之下士亦一命受職治職事

再命受服

服列國大夫

再命於子男爲卿大夫自元冕而下

三命受位

此列國大夫

如孤之服王之中士亦再命則爵弁服

位於王爲王之臣也

四命受器

此公之孤始得有祭器者

五

命賜則命賜之

成國王莽時以二百五十里爲一

命賜則命賜之

以方百里二百五十里爲一

命賜則命賜之

以方百里以上爲

俗說子男之地獨劉子駿等識古有此制焉

六命賜官

此

冬晉侯以諸侯圍齊苟偃爲君禱河既陳齊侯之罪而曰曾

臣彪將率諸侯以討焉

其官臣偃實先後之

七命賜國

封加一等者

八命作牧

謂侯伯有功德者加命得專征

伐於諸侯王之三公亦八命

九命作伯

命爲二伯得征五

命爲二伯得征五

命爲二伯得征五

侯九伯者長

王命諸侯則債

債進之也王將出命假祖廟立債前南鄉債者進當命者延之

命登內史由王右以策命之降再拜稽首登受

賈公彥曰曲

禮列國之大夫入天子之國曰某士注引春秋晉士起據晉國之卿三命而於天子稱士與天子三命之士同稱士即爲王臣也禮大夫有田者先爲祭服後爲祭器儀禮少牢用成牲皆是有地大夫自得造祭器今云公之孤四命始得有祭器者但未四命已前有地大夫祭器或未具猶假之至四命即具有成國之義傳云成國不過半天子之軍謂據公五百里而言侯伯僅爲次國二軍故也若以執圭爲成國則可及伯七命賜國是也若以千乘爲成國唯公及侯此五命子男是未成國牧用侯伯不定若有賢侯則用侯無賢侯則用伯

故鄭兼言伯其牧下二伯亦或用侯或用伯故詩旄丘責衛伯鄭云衛康叔之封爵稱侯今日伯時爲州伯是牧下二伯亦用侯也九州有牧二伯共分各得四侯半侯不可分故二伯皆言五侯言九伯者九州有十八伯各得九伯洛誥成王命周公後云烝祭歲文王駢牛一武王駢牛一王命作策逸祝策惟告周公其後注云告周公宜立後謂封伯禽是非時而特假祖廟故文武各特牛也案觀禮天子使公與史就館賜侯氏命服時史由公右執策命之

王制州有伯伯卽牧也商謂之伯虞夏周謂之牧牧伯皆曰作其權重位尊非有人臣所不能爲之功不得與焉王安石云九儀之命皆加命

典命掌諸侯之五儀諸臣之五等之命

五儀公侯伯子男之儀五等謂孤以下四

命三命再命一命不命也

上公九命爲伯其國家宮室車旗衣服禮儀皆

以七爲節子男五命其國家宮室車旗衣服禮儀皆以五爲

節

上公謂王之三公有德者加命爲二伯二王之後亦爲上公國家國之所居謂城方也公之城蓋方九里宮方九百

步侯伯之城蓋方七里宮方七百步大行人職則有諸侯圭藉冕服建常樊纓貳車介牢禮朝位之數焉王之三

公八命其卿六命其大夫四命及其出封皆加一等其國家

宮室車旗衣服禮儀亦如之

四命申下大夫也出封出畿內封於八州之中加一等褒有德

也大夫爲子男卿爲侯伯其在朝廷則亦如命數耳王之上下三命申再命下士一命凡諸侯之適子

誓於天子攝其君則下其君之禮一等未誓則以皮帛繼子

男

誓猶命也言誓者明天子既命以爲之嗣樹子不易也春秋桓九年曹伯使其世子射姑來朝行國君之禮是也公

之子如侯伯而執圭侯伯之子如子男而執璧子男之子與未誓者皆次小國之君執皮帛而朝會焉其賓之皆以上卿



之禮

公之孤四命以皮帛，眡小國之君，其卿三命，其大夫再

命，其士一命，其宮室車旗衣服禮儀各眡其命之數。侯伯之

卿大夫士亦如之。子男之卿再命，其大夫一命，其士不命，其

宮室車旗衣服禮儀各眡其命之數。

視小國之君列於卿大夫之位而禮如子男也。

九命上公得置孤卿一人春秋傳曰列國之卿當小國之君固周制也。

王氏詳說曰周公封魯

不之魯，太公封齊，不之齊，稱公者終其身而已。宋自微子庸

建，上公終春秋之世未嘗不曰宋公，蓋二王之後及其子孫

得稱公者所以備三統三公之後，其子孫不得稱公者所以

旌有德王制。次國之卿與大國之卿異，周禮侯伯之卿大夫

士亦如之。蓋王制所言夏商之制，上國無孤，其卿不得不與

次國異，周之上國有孤，次國無孤，是降於大國一等矣。卿大

夫士之命同亦無復嫌於其間 內史八枋一曰爵 司士

以德詔爵凡邦國三歲則稽士任而進退其爵祿

任其所掌治

考工記坐而論道謂之王公

諸天子侯

作而行之謂之士大夫

受親

其職居九分其國以爲九分九卿治之

三公論道六卿治六官之屬

曲禮九州之長入天子之國曰牧天子同姓謂之叔父異姓

謂之叔舅於外曰侯於其國曰君

每一州之中天子選諸侯之賢者以爲之牧牧尊於

二伯而謂之叔父辟二伯也亦以此爲尊禮或損之而

益謂此類也外自其國之外九州之中曰侯者本爵也

之長曰伯

謂爲三公者

是職方

職主也是伯分主東西者

其擯於天子也曰天

子之吏

擯者辭也春秋傳曰王命委之三吏謂三公也

天子同姓謂之伯父異姓謂

之伯舅自稱於諸侯曰天子之老於外曰公於其國曰君

稱

以父與舅親親之辭也外其在東夷北狄西戎南蠻雖大曰

自其私土之外

天子隸內其在東夷北狄西戎南蠻雖大曰

子謂九州之外長也天子亦選其諸侯之賢者以爲之子子猶牧也入天子之國曰天子亦謂之子雖有侯伯之地本爵亦無過乎子於內自稱曰不穀與民言之謙稱穀善也於外自稱

曰王老

威遠國也外亦其戎狄之中

庶方小侯入天子之國曰某人於外

曰子自稱曰孤

謂戎狄子男君也男者於外亦曰男舉尊言之

覲禮大國曰伯父伯舅小國曰叔父叔舅牧尊於大國

而曰叔父叔舅者蓋避二伯而因以別異於大國之不

爲牧者鄭氏所謂損之而益是也左傳僖二十八年王

稱晉文公爲叔父以州牧之稱稱之也昭九年稱晉侯

爲伯父以大國之稱稱之也二伯惟三公爲之外諸侯

無爲二伯者昭十一年單子爲王官伯二伯謂之王官

伯所謂五官之長曰伯也僖元年凡侯伯分災救患討

罪禮也僖二十八年王命晉侯爲侯伯州伯謂之侯伯

所謂九州之長於外曰侯也

天子不言出諸侯不生名君子不親惡

天子之言出諸侯之生名皆有大惡君子

所遠出名以絕之春秋傳曰天王出居於鄭衛侯朔入於衛是也

諸侯失地名滅同姓名之絕

王制王者之制爵祿公侯伯子男凡五等諸侯之上大夫

卿下大夫上士中士凡五等

疏五等謂虞夏及周殷則三等公侯伯也

葉夢傳曰公近天子而爵盛大故必無私爲德侯伯遠

天子而障扞於外欲其有所屈故稱侯伯侯伯長也言其

德足以長人子養也言其道足以養人男任也言其道足

以安人諸侯亦人君也近諸侯欲其承上羣而不黨而知

進退則曰卿上以忠扶君下以智帥人則曰大夫志有所

尚仕有所事則曰士王營天也諸侯地也地統於天雖其  
卿大夫士猶不純臣於諸侯天則統地雖諸侯必純臣於  
天子

大國三卿皆命於天子下大夫五人上士二十七人次國三  
卿二卿命於天子一卿命於其君下大夫五人上士二十七

人小國二卿皆命於其君下大夫五人上士二十七人

馬職云凡制軍大國三軍次國二軍小國一軍軍將皆命卿  
爲之則知雖畿內之小國猶一卿命於天子也二卿皆命於  
君者畿內之國也制三公一命卷俗讀也其若有加則賜也不過九命次國之

君不過七命小國之君不過五命通則曰衮大國之卿不

過三命下卿再命小國之卿與下大夫一命不著次國之卿

互明之此卿之命諸侯世子世國大夫不世爵使以德爵以

則異大夫皆同

功未賜爵視天子之元士以君其國諸侯之大夫不世爵祿

疏諸侯大夫有大功德亦得世祿

胡安國曰帝王不以私害公故仕者世祿而不世官伊陟象賢後相大戊太公世美入掌兵權不以世故疑之崇伯殛死禹作司空蔡叔見凶仲爲卿士亦不以父故廢之惟其公而已矣及周之衰小人得政視朝廷官爵爲己私援引親黨分據要途施及童穉公道不行然後夷狄侵侮國家傾覆雖有智者不能善其後矣春秋於周書尹氏武氏仍叔之子於魯書季友仲遂皆志其非禮也

祭統古者於禘也發爵賜服順陽義也

爵命屬陽

古者明君爵

有德而祿有功必賜爵祿於太廟示不敢專也故祭之日一

獻君降立乎阼階之南南鄉所命北面史由君右執策命之

再拜稽首受書以歸而舍奠於其廟此爵賞之施也尸也舍

富爲釋非時而祭曰奠易師九二王三錫命象曰王三錫命懷萬邦

也以其功故大有九三公用亨於天子易緯乾鑿度注曰

文王爲紂三公百益六三有孚中行告公用圭公者臣之

足以施天下則稱王次中孚九二我有好爵吾與爾靡之

靡散也與賢者分散而共之孔子曰易有六位六位之設皆由上下故

易始於一分於二通於三□於四盛於五終於上初爲元士

在位卑下二爲大夫三爲三公四爲諸侯五爲天子上爲宗廟宗

人道之終凡此六者陰陽所以進退君臣所以升降萬人所以爲

參則也孔子曰易有君人五號也帝者天稱也王者美行也

天子者爵號

書序召公爲保周公爲師相成王爲左右召

公不悅周公作君

傳太保也師太師也馬云分陝爲二伯東爲左西爲右

蔡仲之

命蔡仲克庸祇德周公以爲卿士叔卒乃命諸王邦之蔡錢時

曰周召分陝圻內諸侯二卿治事周官建其長立其兩兩卽二卿也

周官立太師太傅太保

茲惟三公論道經邦變理陰陽官不必備惟其人少師少傅

少保曰三孤貳公宏化寅亮天地弼予一人

三少雖三公之貳而非其屬官

故曰

六卿分職各率其屬以倡九牧阜成兆民

三公三孤周禮不載或謂

師氏卽太師保氏卽太保然以師保之尊而反屬司徒亦無是理也

尙書大傳古者天子三

公每一公三卿佐之每一卿三大夫佐之每一大夫三士佐

之故天子三公九卿二十七大夫八十一元士所與爲天子

者若此而已 逸周書人生而重大夫謂之冑子冑子成人



能治上宮謂之士士率眾時作謂之伯伯能移善於眾與百姓同謂之公公能樹名與物天道俱謂之侯侯能成羣謂之君立民生物謂化施於民也君有廣德分任謂侯而敦信曰成謂成物羣謂之爲長也予一人善至於四海曰天子達於四荒曰天王合五等之尊卑而論事義以爲之名者也

通典周制非二王之後列國諸侯其爵無至公者當周之

世有功之臣無如太公周公然封爵皆爲侯詩曰乃命魯公俾侯於東

公音魯人之稱而春秋有虞公虢公州公或因殷之舊爵

或嘗爲天子之官子孫因其號耳非周之典制也 日知

錄周之盛時亦有羣公之稱見於康王之誥及詩之雲漢

此猶五等之君春秋書之通曰諸侯也大雅古公亶父箋

曰諸侯之臣稱君曰公白虎通曰臣子於其國皆褒其君  
爲公秦誓公曰嗟我士聽無譁夫秦誓之書公與春秋之  
書秦伯不已異乎曰春秋以道名分五等之爵不容僭差  
秦誓則本國之書公之媚子從公於狩亦秦人之詩也

論曰周制三公八命王者之後九命其稱名同其等秩  
異宋雖爵爲上公不在加命之例特以承祀上公而已  
至三公進秩出爲方伯則四方有不庭者得稟命而討  
伐焉管仲述召康公之訓所謂五侯九伯汝實征之是  
也專征而有功例得進地然其爵不過侯故齊以侯爵  
而受上公之地周公於魯亦然天子六命之卿加命得  
爲侯伯四命之大夫加命得爲子男其元士三命加命

則爲附庸附庸者進命不進爵以其德未周備與士同  
稱名春秋傳附庸之君則名是也侯伯功德兼備物望  
攸隆則加命而爲收故曰八命作收收在外亦曰伯以  
伸於羣侯之上伯在內亦曰收以屈於二伯之下至列  
國三命再命之卿亦必上聞天子而不敢私自署置焉  
若是者所以一眾志而統萬國也當宣王中興韓侯在  
韓申伯在荆成康舊制猶未盡泯及平王東遷收伯之  
職不舉而外制於夷狄內失其國都徒恃晉鄭二邦爲  
屏衛而已然而文侯之賢旣歸之國鄭伯之才又奪之  
政周之事勢自是不可復爲矣厥後強以弱眾暴寡天  
下兵爭靡有時已而先王五等之封僅存者無幾焉然

齊僖衛宣未嘗受命專討而齊自以爲東伯黎之臣子亦以方伯之職責衛侯春秋於蒲之役書曰胥命蓋若有私冀然者是時小國奔走流離無所控訴唯望大國之庇已而共主拱默於其上曾不聞發一策出一令故周之不競莫茲爲甚雖欲諸侯之不離叛豈可得哉然則五等之爵後世不可復乎曰存五等之名世其祿不世其位有能則進有罪則黜雖聖王復起不可易也

詩序旄丘責衛伯也狄人迫逐黎侯黎侯寓於衛衛不能脩方伯連率之職黎之臣子以責於衛也

箋衛康叔之封爵稱侯今日伯者時爲州

伯也 疏案世家自康叔至貞伯不稱侯頃侯賂夷王始爲侯又平王命武公爲公蓋康叔之後爲時王所黜頃侯因康叔本侯故賂夷王而復之命武公爲公謂爲三公爵仍侯也鄭志答張逸云實當用伯而侯德適在之何嫌不可以此言

則宣公德適任伯故爲伯縮衣美武公也父子並爲周司徒國人宜之

因美其德謂武公也無衣美晉武公也武公始並晉國其

大夫爲之請命乎天子之使而作是詩也王母弟車服得如上也以九爲節

然唯王子母弟一身若唐叔耳其後子駟鐵美秦襄公也

始命箋始命爲諸侯也下泉思治也曹人疾共公侵刻下民不得

其所憂而思明王賢伯四國有王郇伯勞之郇伯郇侯也諸侯有事二伯述

職疏左傳祝純說文王之子唯言曹爲伯小雅赫赫師

明自曹以外爵皆尊於伯故知郇爲侯爵也

尹民具爾瞻師太師周皇父卿士番爲司徒家伯維宰皇

父家伯皆字番氏何人斯蘇公刺暴公也暴公爲卿士而

司徒家宰皆卿也諳蘇公焉春秋時蘇稱子此云公者蓋子爵而爲三公

高尹吉甫美宣王也維嶽降神生甫及申堯時四岳內典朝職如周六卿外掌

諸侯之事如牧伯故又述諸侯之職  
申伯舊是伯爵今改封或進爵爲侯

韓奕有倬其道韓侯

受命

受命爲侯伯也

孟子北宮錡問曰周室班爵祿也如之何孟

子曰其詳不可得聞也諸侯惡其害己也而皆去其籍然而

軻也嘗聞其略也

趙岐曰今周禮司祿之官無其職則諸侯皆去之故使不復存也

天子一

位公一位侯一位伯一位子男同一位凡五等也君一位卿

一位大夫一位上士一位中士一位下士一位凡六等 白

虎通天子者爵稱也爵所以稱天子者何王者父天母地爲

天之子也帝王之德有優劣所以俱稱天子者何以其俱命

於天而主治五千里內也所以名之爲公侯者何公者通也

公正無私之意也侯者候也候逆順也春秋傳曰王者之後

稱公其餘大國稱侯小國稱伯子男也伯者百也子者孽也

孳孳無已也男者任也公卿大夫者何謂也公之爲言公正無私也卿之爲言章善明理也大夫之爲言大扶進人者也故傳曰進賢達能謂之大夫也士者事也任事之稱也故傳曰通古今辨然否謂之士天子之士獨稱元士何士賤不得體君之尊故加元以別諸侯之士也王者太子亦稱士何舉從下升以爲人無生得貴者莫不繇士起禮士冠經天子之元子士也爵人於朝者示不私人以官與眾共之義也大夫功成未封而死不得追爵賜之者以其未當股肱也春秋穀梁傳曰追賜死者非禮也諸侯世子三年喪畢必上受爵命於天子何明爵士者天子之有也臣無自爵之義童子當受父爵命使大夫就其國命之明王者不與童子爲禮也 王

者所以立三公九卿者何曰天雖至神必因日月之光地雖至靈必有山川之化聖人雖有萬人之德必須俊賢三公九卿二十七大夫八十一元士以順天成其道司馬主兵司徒主人司空主地王者受命爲天地人之職故分職以置三公各主其一以効其功一公置三卿故九卿也天道莫不成於三三公九卿二十七大夫八十一元士凡百二十官下應十

二子

百二十官夏時之制  
期之官三百六十

論曰鄭康成稱殷因夏制建爵三等至宋胡銓氏非之以爲五等始於唐虞歷三代未之有改箕子殷之子爵也其時亦必有男爵銓之說於古無徵然其詞則辨矣康成答張逸問箕子微子畿內采地之爵非畿外治民



之君銓駁之曰微箕非子男之子則三公亦非公侯之  
公平愚攷之書微子將去紂告於父師少師父師者箕  
子也是時爲太師三公之官故微子以師尊之及後人  
周武王訪範封諸朝鮮然後有子之稱焉蓋朝鮮東夷  
之國而夷狄之君爵不過子故箕子之爲子始於周非  
始於商也若書記釋箕子之囚亦周人從後追稱云耳  
文王老於西伯而詩書美之曰王田成終於大夫而齊  
人歌之曰子豈可援以爲生前之本號哉微子帝乙元  
子也當時父師少師皆命曰王子以爲封子爵者經傳  
未有明文子考三代之禮迭有損益而夏之於虞獨不  
言損益董仲舒曰繼治世者其道同繼亂世者其道異

當文命受終塗山之會執玉萬國彼皆有虞之羣后也  
因其號不改其制聖人何所容心哉若夫有夏昏德聿  
顧昆吾同惡相助於時有爲湯所誅絕者有爲強侯所  
并吞者度其勢之將窮而通之以變亦王者改物創制  
之義也至於武成大告勞巨者既酌以侯伯庸薄者復  
錫以子男反商季之政率虞夏之舊故曰質家三等文  
家五等因時立事亦各從其便耳攷鄭孔二說互有異  
同而杜佑通典折衷孔氏愚因之有取焉至胡氏引据  
天問欲以懸斷前典而自是其臆說非君子闕疑之道  
也

春秋隱元年公及邾儀父盟於蔑其不言邾子何也邾之上

晉侯命於周也

都楚辭

桓公九年鄭忽出奔忽何以

名春秋伯子男一也辭無所貶

合伯子男爲一皆從之李

稱公王者之後稱公其餘大國稱公小國稱伯子男是則公

侯爲一等伯子男爲一等也故子產曰鄭伯男也遭喪未踰

年之君公侯皆稱子如宋子儀子陳子之類是也以其等木

貴於伯子男故降而稱子今鄭伯爵也伯與子男爲一等下

此更無所降不得 成八年秋七月天子使召伯來錫公命

天子者爵稱也徐彥曰案辨名記云天子無爵而言天子

爲爵稱者言爵者醜也所以醜盡其材天子有聖德居無極

之尊位謂之爵稱亦何傷而云天子 天王使召武公內史

無爵者謂無如諸侯以下九命之爵 過賜晉侯命受玉隋過歸告王曰晉侯其無後乎王賜之命

而隋於受瑞先自棄也已其何繼之有諸侯即位天子 襄

王使太宰文公及內史興賜文公命晉侯郊勞及期命於武

宮設桑主布几筵太宰莅之晉侯端委以入太宰以王命命

冕服內史贊之三命而後卽冕服 晉襄公以三命命先且

居將中軍以再命命先茅之縣賞胥臣曰舉卻缺子之功也

以一命命卻缺爲卿晉於五軍將佐十人之外別立卻缺爲卿比於天子六卿且倍之倍甚矣

公會誓師於上鄆賜三帥先路三命之服司馬司空輿帥侯

正亞旅皆受一命之服晉司馬司空皆大夫輿帥主兵車侯正主斥侯亞旅亦大夫也 衛

侯使孫良夫來聘公問諸臧宣叔曰仲行伯之於晉也其位

在三孫子之於衛也位爲上卿將誰先對曰次國之上卿當

大國之中中當其下下當其上大夫小國之上卿當大國之

下卿中當其上大夫下當其下大夫上下如是古之制也衛

在晉不得爲次國晉爲盟主其將先之古制公大國侯伯次國子男小國以土地

之大小命數爲之等差也春秋之世強者爲雄史書時事大小爲序仲尼卽而用之宋公在齊侯之下許男在曹伯之上

不復記爵之尊卑故衛雖侯爵猶爲小國地狹故也

春秋繁露周爵五等春秋爵三

等春秋何三等曰王者以制一商一夏一質一文商質者主

天夏文者主地春秋者主人故三等也周爵五等上三品

文多而實少春秋三等合伯子男爲一爵上二等文多而實

少春秋曰荆傳曰氏不若人人不若名名不若字凡四等命

曰附庸三代共之諸侯之爵或五何法天地之數五官亦然

天子有七上卿二十一下卿六十三元士百二十九下十

王侯傅上下史五人三伯上下史各五人少伯史各五人世

子太傅上下史各五人少傅亦各五人三率三下率各五人

三公上下史各五人卿上下史各五人大夫上下史各五人

元士上下史各五人上下卿上下士之史上下亦各五人卿

大夫元士臣亦各三人大國三卿九大夫二十七上士八十一下士亦有五適大夫立上士下世子上傅上下史各五人丞史各五人三卿九大夫上士史各五人下士史各五人適大夫士上下史各五人卿臣二人此公侯之制也子男五適大夫五上士十五下士卿臣三人餘並同上春秋釋例居三公九卿之位者皆以伯爵居位而別食采邑經自因氏以爲氏其稱公者皆三公非五等之公也稱伯稱子皆爵稱也通經傳既無稱侯又無稱男者天子之制本不以此爵賜畿內也毛凡之等始以列國人爲公卿但事天朝而本封絕滅者若滅虢郟之等或畿內諸侯據其本封兼任王朝者也王之公卿皆書爵祭伯凡伯是也大夫稱字南季榮叔是也元中士

稱名劉夏石尙是也下士稱人公會王人於洮是也其或稱祭公舉官而言也單伯或稱子時王降爵也附庸稱名耶犁來是也魯之叔孫父兄再命而書於經晉之司空亞旅一命而經不書推此知諸侯之卿大夫再命以上皆書於經一命也大夫及士經皆稱人王之世子不名諸侯之世子則名附庸之世子稱人此皆典策之正文也天子錫命其詳未聞

諸侯或卽位而見錫或歷年乃加錫或已薨而追錫公侯伯子男及其大夫士命數周官具有等差春秋時漸已變改是以仲尼正明據時之宜仍其行事不復與周官同也而先儒

考合周官禮記各致異端

大事表三傳多附會而公羊尤甚如紀子伯莒子盟於密本闕文也

而習公穀者遂謂紀本子爵後因天子將娶於紀進爵爲侯加封百里以廣孝敬漢氏因之凡立后先封其父爲侯進大

司馬大將軍封爵之蓋自此而始

今詳推經傳國之大小皆據當時土地人

民不復依爵故書齊楚之卿而略於滕薛也諸侯大國之卿皆受有命固無所疑其總名亦曰大夫也故經傳卿大夫之文相涉晉殺三卿而經書大夫邢丘之會傳稱大夫亦皆卿也蜀之盟齊國之大夫溴梁之盟小邾之大夫此不命一命之大夫故不書也命者謂其君正爵命之於朝其宮室車旗衣服禮儀各如其命數則皆以卿禮書之於經衛之於晉不得比次國則邾莒杞郕之屬固已微矣此等諸國當時附隨大國不得列於會者甚多及其得列上不能自通於天子下無假於備禮成制故與於會盟征伐甚多惟曹之世子首得見於經其餘或命而禮儀不備或未加命數故皆不書之也



與我之等其奔亡亦多所書唯數人而已知其合制者少也又邾庶其等傳皆言非卿以地來朝雖賤必書紀裂繻來逆女傳曰卿爲君逆知此等微國亦應有卿有卿則應書於經徒以卑陋制不合禮失禮之例杞降爲夷蕭楚曰杞夏禹書侯其後書子以杞用夏變夷不足于侯也吳楚自號稱王而經書子其意方以王法一天下不容有二王亦以二國皆夷不足以王也古者華耦具官君子貴之至於此等卿而不四夷雖大爵不過子華耦具官君子貴之至於此等卿而不備禮亦所以見其略賤也諸儒以邾莒無命卿既自違傳例劉賈又云春秋之序三命以上乃書於經穎氏以爲再命稱人傳曰叔孫昭子三命踰父兄昭公十年昭子始加三命而先此叔孫皆自見經知所書皆再命也

日知錄周制公侯伯子男爲五等之爵而大夫雖貴不敢

稱子春秋自僖公以前大夫並以伯仲叔季爲稱三桓之  
先曰共仲曰僖叔曰成季孟孫氏之稱子也自蔑也叔孫  
氏之稱子也自豹也季孫氏之稱子也自行父也晉之諸  
卿在文公以前無稱子者魏氏之稱子也自隼也欒氏之  
稱子也自枝也趙氏之稱子也自衰也中行氏之稱子也  
自林父也卻氏之稱子也自缺也知氏之稱子也自首也  
范氏之稱子也自會也韓氏之稱子也自厥也晉齊魯衛  
之執政稱子他國惟鄭間一有之餘則否不敢與大國並  
也魯之三家稱子他如臧氏子服氏仲叔氏皆以伯叔稱  
焉不敢與三家並也其生也或以伯仲稱之如趙孟知伯  
死則諡之而後子之猶國君之死而稱諡也於此可以見

世之升降焉

周威烈王二十三年初命晉大夫魏斯趙籍韓虔爲諸侯司馬光曰天子之職莫大於禮禮莫大於分分莫大於名何謂禮紀綱是也何謂分君臣是也何謂名公侯卿大夫是也夫以四海之廣兆民之眾受制於一人雖有絕倫之力高世之智莫敢不奔走而服役者豈非以禮爲之綱紀哉是故天子統三公三公率諸侯諸侯制卿大夫卿大夫治士庶人貴以臨賤賤以承貴上之使下猶心腹之運手足根本之制支葉下之使上猶手足之衛心腹支葉之庇本根然後能上下相保而國家治安故曰天子之職莫大於禮也君臣之位猶天地之不可易非有桀紂之暴湯武之仁人歸之天命之分當

守節伏死而已矣是故以微子而代紂則成湯配天矣以季札而君吳則太伯血食矣然二子甯亡國而不爲者誠以禮之節不可亂也故曰禮莫大於分也夫禮辨貴賤序親疏裁羣物制庶事非名不著非器不形昔仲叔于奚有功於衛辭邑而請繁纓孔子以爲不如多與之邑惟器與名不可以假人君之所司也政亡則國家從之衛君待孔子而爲政孔子欲先正名以爲名不正則民無所措手足夫繁纓小物也而孔子惜之正名細務也而孔子先之誠以名器既亂則上下無以相保易曰履霜堅冰至書曰一日二日萬幾謂此類也故曰分莫大於名也嗚呼幽厲失德周道日衰綱紀散壞下陵上替諸侯專征大夫擅政禮之大體十喪八九矣然文武

之祀猶絲絲相屬者蓋以周之子孫尙能守其名分故也今  
晉大夫暴蔑其君剖分晉國天子既不能討又寵秩之使列  
於諸侯是區區之名分復不能守而並棄之也先王之禮於  
斯盡矣或者以爲當是之時周室微弱三晉強盛雖欲勿許  
其可得乎是大不然夫三晉雖強苟不顧天下之誅而犯義  
侵禮則不請於天子而自立矣不請於天子而自立則爲悖  
逆之臣天下苟有桓文之君必奉禮義而征之今請於天子  
而許之是受天子之命而爲諸侯也誰得而討之故三晉之  
列於諸侯非三晉之壞禮乃天子自壞之也 顯王十九年  
王如衛命公子南爲侯 昭公時三晉強盛衛如小侯屬之成  
侯十六年衛更貶號曰侯嗣君五年

更貶號  
曰君

衛文侯虜齊侯獻諸天子天子賞文侯以上聞古

梁氏曰今史記多訛爲上聞惟索隱  
本作上聞或云聞音中聞之間恐誤

秦孝公十九年天

子致伯

按伯卽二伯史記越世家天子命爲伯

衛鞅入秦孝公拜爲左庶長

漢書曰商君爲法於秦戰斬一首封爵一級欲爲官者五十

石其爵名十爲左庶長秦紀庶長弗忌威累參父三人卒

賊賊出子是歲周桓王二十二年則秦有此官久矣至商鞅遂因其名以爲封爵耳

陳軫見昭陽問

楚之法覆軍殺將其官爵何也昭陽曰官爲上柱國爵爲上

執圭陳軫曰異貴於此者何也曰惟令尹耳

史記楚國之法得伍員者賜爵

執圭

希寫見建信君建信君曰秦使人來仕僕官之丞相爵

五大夫

五大夫秦爵見於本紀者有五大夫禮五大夫賈據呂

氏春秋續經仕趙五大夫是趙亦有是爵又呂覽長見

篇載荆文王曰莫譖數犯我以義違我以禮不以吾身

爵之則後世將以非不穀於是爵之五大夫是楚亦有斯爵又在春秋初矣

秦制爵二十等以賞功勞賜爵一級爲公士謂爲國君列士

也有爵命異於士卒賜爵二級爲上造上造乘兵車也賜爵三級爲

簪褭以組帶馬曰褭簪褭者言飾此馬賜爵四級爲不更不更主一車兩馬

賜爵五級爲大夫大夫主一軍屬三十六人賜爵六級爲官

大夫官大夫領車馬賜爵七級爲公大夫公大夫領行伍兵

加官公者示稽尊也賜爵八級爲公乘與國君同車言得乘公家之車也賜爵九

級爲五大夫左庶長十爵右庶長十一爵言爲眾列之長左更十二

爵中更十三爵右更十四爵主領更卒部其役使少上造十五爵大夫

上造十六爵駟馬庶長十七爵乘駟馬之車爲庶長大庶長十八爵侯

六典通考卷二十

十九爵

當作關內侯

列侯二十爵劉邵曰春秋傳有庶長鮑商君

爲政備其法品爲十八級合關內列侯凡二十等其制因古義古者天子寄軍政於六卿居則以田警則以戰所謂入使治之出使長之也故啟伐有扈乃召六卿大夫之在軍爲將者也及周之六卿亦以居軍其在國也則以比長閭胥族師黨正州長卿大夫爲稱其在軍也則以卒伍司馬將軍爲號秦依古制其在軍賜爵爲等級其帥人皆更卒也有功賜爵則在軍吏之例自列爵以上至不更四等皆士也大夫至五大夫五等皆大夫也九等依九命之義也自左庶長至大庶長九卿之義也關內侯者依古圻內子男之義也秦都山西以關內爲王畿故曰關內侯也列侯者依古列國諸侯之義



也然則卿大夫士下之品皆放古比朝之制而異其名亦所以殊國君也古者以車戰兵車一乘步卒七十二人分翼左右車大夫任左御者處中勇士居右凡七十五人一爵曰公士者步卒之有爵爲公士者二爵曰士造造成也古者成士升於司徒曰造士雖依此名皆步卒也三爵曰簪褭御駟馬者要褭古之名馬也駕駟馬者其形似簪故曰簪褭也四爵曰不更不更者爲車右不復與凡更卒同也五爵曰大夫大夫在車左者也六爵官大夫七爵公大夫八爵公乘九爵五大夫皆軍吏也吏民爵不得過公乘者得賞與子若同產然則公乘者軍吏爵之最高者也雖非臨陣得公卒車故曰公乘也自左庶長以上至大庶長皆卿大夫皆軍將也所將皆

庶人更卒也故以庶爲名大庶長卽大將軍也左右庶長卽左右偏裨將軍也

論曰古者爵人於朝與眾共之故慶賞之行必在宗廟之中示不敢自私也自商鞅變法仲公戰抑私鬪懸爵二十等以激勸天下武勇之士士非有軍功論不得爲屬籍於是百姓翕然嚮風秦以富強而六國憚其威然而爵賞之濫實自鞅始當秦師之圍長平也昭王自之河內賜民爵各一級發年十五以上悉詣軍所自是而後有馳道之治則賜爵有遷徙之役則賜爵下至宦者有斬級之功亦賜爵原商君之意以爲爵不尊賞不優則民不勸故行之十有餘年民皆奮迅以赴戰陣者貪

其利之重也而及其既做則爵不擇人流品滄雜傭販徒隸之賤皆得齒於搢紳士大夫之列而禮義之俗泯然矣漢衛宏曰秦制爵等生以爲祿位死以爲諡號蓋是時內自卿輔外達守宰莫不起於將卒之吏人情擾擾不見德義唯勝敵之是求唯詐力之欲聞卒也一夫大呼四方響應殺守劫令攘臂羣起其向時操戟荷戈之徒果安所用也耶趙高以宦者而弑逆章邯以貴帥而請降王離以宿將而被虜其他賈豎通謀受金陰爲反間疑幟一張望風納款至於符組係頸軹道乞哀曾不聞有一人一吏仗節而死義者故曰國以此始必以此終唐安史之變武臣悍卒徧列方鎮數傳以後驕佚

難制五代因之篡弑滋起至於三光滅絕父子殘夷其  
事亦可悲矣嗟夫人主以武功定天下而不知修文德  
以守之雖有高爵厚祿不足以得忠賢之臣適以自速  
其亂而已矣秦隋五季之事是也